

TXIKITTO

2010-02 • 110. zenbakia



Aratosteei
KUKU

Berriak

Santa Ageda bezperan, urtero bezala **Urkizu eskolako** 3., 4. eta 5. mailako ikasleak, kalez kale atera ginen koplak kantatuz. Hori bai arrakasta izan genuena! Eguen-zuri egunean Urkizutarrok "Munduko kulturak" gaiaren inguruan mozorrotu ginen. Munduko alde guztietatik etorriko dira ordezkariak: txinatarak, inuitak, andaluziarrak, arabiarak, Amerikako indiarak... eta noski, euskaldun bat edo beste ere azalduko da.

Otsailean lehiaketa berri bat jarriko dugu martxan Urkizun. "Ezetx asmatu!" du izena. Lehiaketarekin gure euskara hobetuko dugu eta sariak irabazi ere bai. Ez dago gaizki ezta?

Otsailaren 23an, Urkizu eskolako Lehen hezkuntzako 1. eta 2. zikloetako ikasleak, Amañako zine aretora joango gara "Winkyren zaldia" filma ikustera. Oso ideia ona da zinea euskaraz ere ikustea.

Martxoaren 3tik 5era, URKIZU Eskolako 5. eta 6. mailako ikasleak, Arantzara (Nafarroa) joango dira. Zein ondo etortzen den egunerokotasuna haustea horrelako irteerekin.

Ea maisuak animatzen diren eta datorren urtean berriro bueltatzen diren!

Martxoaren 8an "Emakumeen eguna" ospatuko dugu. Gela guztietan ekintza bereziak egingo ditugu. Urkizutarrok ongi dakigu, neska edo mutil izan, eskubide eta betebeharrak berdinak ditugula.

Martxoaren 8tik 12ra, beste euskara kanpaina bat egingo dugu Urkizun: "Sukaldaria" izena izango du, eta egia esan, kanpainak iraungo duen bitartean euskararen erabilpena asko igoko dela espero dugu.

Martxoaren 23an, Urkizu eskolako Haur Hezkuntzako umeak, Amañako zine aretora joango dira "Cher ami" filma ikustera. Euskaraz eskainiko da. Zein ondo ezta?



Arrateko Andra Maria ikastetxean pil-pilean ditugu gauzak. A zer nolako hilabetea! San Blas eta Santa Ageda inguruan lanean ibili gara. Batzuk opilak eta guzti egin zituzten gelan. Eskolako guztiak, ikasle, irakasle, guraso, atezain eta auzoan nahi izan duten guztiak kantuan izan ginen auzoan zehar. Amaitu bezain laister bideratuta genuen beste

ARGITARATZAILEA: "...eta kittlo!" Euskara Elkarte, Urkizu, 11 - solairuartera. 20600 Eibar. Tel: 943 206776.
ERREDAKZIO KONTSEILUA: Ekhi Belar, Koldo Mitxelena eta Eibarko ikastetxeetako ordezkariak.
ADMINISTRAZIOA: Marisol Uriarte.
ERREDAKZIOA ETA MAKETAZIOA: Ekhi Belar eta Koldo Mitxelena.

ekintza batean sartu behar izan ginen bete betean: Ateak zabalik. Nahi zuten guztiei eskola erakutsi genien otsailaren 6an. Goiz polita pasatu genuen tailer desberdinetan (makilajea, taloak, erroskilak, txokolatea, palomitak...); puzgarriak, merkatu txikia eta amaitzeko jolasak izan genituen, hori bai, karate emanaldia amaitu eta gero. Lerro hauek idazten ari garela eskola dekoratzen ari gara, guraso talde batek lagunduta, lehen aipatutako egunean izan genituen bezala. Benetan eskertzekoa haben laguntza, ezingo baikenuen guzti hau guk bakarrik egin. Eguen zuriko kalejiran ere han izango ziren eskolatik irten ginenetik estreinekoz auzitegiko parkean amaitu arte.



Otsailaren 4an **La Salle-Isasiko** ikasleak Xabie Lizaso pianojolearen bisita izan zuten. Musikarekin lotutako ekintza ezberdinak egiteko aukera ezin hobea.

Debarroa programa dela eta 3.mailakoak aste honetan Antzuolara joan dira nekaritzaren mundura hurbiltzeko nahian.

Otsailaren 1etik 5era 6.mailakoak Urduñako barnetegian egon ziren. Talde jolas batzuen bidez harremanak sendotu, euskal giroa indartu eta mendiko inguru-nea hobeto ezagutu zuten. Guztion iritziz oso aberasgarria izan zen.

ARGAZKIAK: ...eta kitto! aldizkariko argazki artxiboa, Ekhi Belar eta Koldo Mitxelena.
AZALEKO ARGAZKIA: Ekhi Belar.
COPYRIGHT-A: Txikitto!
LEGE-GORDAILUA: SS-1111/96



Euskara Elkarte


Eibarko Udalak
diruz lagundutako aldizkaria




Denborapasak

Andrés Rubio

- 1 - Hantxeak in josten da
- 2 - Ilan eramaten da
- 3 - Alizeko instrumentoa da
- 4 - Eskutatu hotea, or
edukiteko erabiltzen da




Andrés Eibartko 7 jokalariaren izenak



Asier eta Imanol

Margatu Karrika : 1 Horia
 2 Zuria 7 Horia
 3 Laranja
 4 berdea
 5 gris
 6 urdina




9

9

9

Denborapasak

- 1- Morea
- 2- Udina
- 3- Berdea
- 4- Gomia
- 5- Laranja
- 6- Horia
- 7- Grisa



Irati lasa

zu margolarI



LEHOIA AUKERATU AL DUZUE MOZORRO
MODUAN? GOGORATU KOLOREAK ETA
MARGOTU GAURKO HAU....



Silbia eta Maider mendian

Baziren behin bi ume, Silbia eta Maider izenekoak. Maider eta Silbia bikiak ziren baina Maider nahiko ausarta zen eta Silbia ez.

Egun batean Silbia eta Maider etxean zeuden eta esan zuten:

- Gu bakarrik joan gaitezke mendira?

Eta aitak eta amak esan zieten baietz baina kontuz ibiltzeko. Silbia eta Maider mendira joan ziren.

Maiderrekin mendian abia bat aurkitu zuen eta esan zuen:

Abia horretara igoko naiz.

Eta igo zen. Tximeleta haundi batekin hartu egin zuen eta Maiderrekin esan zion Silbiari:

- Lagundu!!!

Eta Silbiak esan zion:

- Lagunduko zaitut!!


Silbiak eskopeta hartu eta tiro egin zuen.



Maider Silbiak ipinitako koltxonetara jauzi egin zen.

Maider eta Silbia etxera itzuli ziren eta Maider konturatu zen amets egiten zegoela eta ala bazan edo ez bazan zar dadila kalabazan eta atera dadila urkizuko plazan.

Miren Bastida




Amak esaten dio umeari tomateak landatzera joateko eta umeak esaten du:

-Ez, ez eta ez, ez naiz joango.

Eta amak esaten dio:

-Ume, ez bazara joaten tomateak landatzen ipurdia tomate bat bezala izango duzu.

Maitane Arévalo



Egun batean Jaimitori amamak esan zion:

-Jaimito joan saltxitxak eroatera. Jaimito saltxitxak eroatera joan zen, iritsi zen eta esan zion dendakoari:

-Saltxitxak dituzue?

-Ez ditugu.

Orduan Jaimitok bere zakila moztu zuen, etxera iritsi zen eta esan zion amonari:


-Bukatu ditut erosketak, hasiko gara jaten?

Amamak esan zion:

-Bale hasiko gara jaten.

Eta Jaimitok bere zakila jan zuen.

Jon



-Ama, ama, eskolan Ranbo esaten didate!

-Lasai seme zuzendariarekin hitz egingo dut.

-Ez, ez, hau nire misioa da.

Africa

Jaimito txakur baten gainean jarri zen, asko pisatzen zuenez txakurra oso motel zihoan. Orduan Jaimitok ipurdikoak eman zizkion, txakurra haserretu zen eta ipurdian koska egin zion.

Etxera heldu zenean, amari esan zion pasatu zena eta orduan amak ipurdian zaplasteko bat eman zion eta Jaimito negarrez hasi zen.

Ane

Txisteak

Bazen behin bidegurutze bat inork pasatu ez zuena. Bi monja motorrean pasatu ziren eta poliziak galdetu zien:

-Nola pasatu duzue bidegurutzea?

-Jainkoaren laguntzarekin.

Orduan poliziak esan zuen:

-Multa, motorrean hiru pertsona joateagatik.

Marta



Neska bat bere amarekin parkean dago. Kakagure da eta amak erre-pidera joateko esaten dio. Bertan dagoela, kamioi bat pasatzen da eta bozina jotzen du:

-Pi, pi!

Eta neskak dio:

-Bai, zuk pi-pi baina nik ka-ka.

Noa

-Ama, ama, eskolan buru haundi deitzen didate!

-Isildu eta ekarri arrastelua orrazteko.

Javi

Autobusean zegoen emakume bati pusker bat ateratzen zaio.

Atzekoak esaten dio:

-Zein kolonia erabiltzen duzu?

-Banda erabiltzen dut.

-Ba uste dut musikari batek alde egin dizula!

Javi





Bi lagun doaz kaletik eta erdikoa jausten da.

Laura

Txina bat korrika doa automobil baten atzetik eta esaten dio:

-Atzeko errobera galtzen doa!

-Zer?

-Atzeko errobera galtzen doa!

-Zergatik?

-Aurrekoa irabazten doalako.

Laura

-Ama, ama, eskolan esaten didate zatarra!

-Baina ume, zu ez zara joaten eskolara!

Ainhua

-Futbol zelai baten 100.000 ikusle, 22 jokalaria, arbitro bat, bi marrazain eta txoritxo honek niri kaka egin behar!

Ainhara

Bazegoen txakur bat Txiste deitzen zena.

Txakurra hil zen eta amaitu zen txistea.

Ibai

Bi tomate zebrabidetik doaz. Auto bat pasatzen da eta tomate bat harrapatzen du eta besteak zera esan zuen: ketchup!

Leire



Txikihoroskopo



Egun politak izango dira zuretzat hilabete honetan biziko dituzunak. Oso zoriontsua izango zara maite zaituztenekin batera.



Urtebete itxaron beharko duzu orain Aratosteetarako. Joan pentsatzen zein koko jantzi erantzi eta orijinala izaten saiatu zaitez.



Aspaldian ikusi ez duzun lagun batekin elkartuko zara eta asko poztuko dizu horrek. Pena da berarekin denbora gehiago egon ez ahal izatea.



Momentuz ez zara gehiegi kezkatu behar, baina egoera ez bada asko aldatzen erabaki bat hartu beharko duzu. Ondo pentsatu.



Gezurtero hutsa zara, egia esatea ez da zure afizioetarikoa. Gezurra ez bada garrantzitsua, tira, baina min egin dezakezula kontuan hartu.



Dena bere tokian utziko bazenu, ez zinateke zoratuko gauzak bilatzen. Ordena piska bat edukitzea ez legoke batere txarto.

txikihoroskopoA



LIBRA

Begiak zabalik dituzula amestea asko gustatzen zaizu eta ez duzu ezer txarrik egiten, baina kontuan izan ametsak besterik ez direla.



SCORPIUS

Pozik zabiltza eta ingurukoek nabari dute. Duela aste batzuk baino askoz ere alaiago zaude eta horrela jarraituko duzu denbora luzean zehar.



SAGITARIUS

Oroitzapen txarrak albo batera utzi eta zerotik hasi beharko zinateke. Zertarako txarto pasatu? Ez duzu merezi, zoriontsu izan!



CAPRICORNIUS

Kirol gehiago egin beharko zenuke. Oso ona da zure osasunarentzat eta lagunekin ondo pasatzeko aukera emango dizu.



ACUARIUS

Polita da amodioa, ezta? Nahiz eta zu ukatzen ahalegindu nabaria da maiteminduta zaudela. Lasai, berak ere sentimendu berberak ditu.




PISCIS

Osasun aldetik nahiko kaskar ibiliko zara eta etxean geratu beharko zara egun bat baino gehiago. Zaindu zaitetz ahal duzun eta gehien.


BLOGARI.NET/GURUTZEGRAMA

Urteak ditu webguneak bistan denez, baina bertan agertzen diren denborapasak ez dira modaz pasatzen, ezta gutxiago ere. Bestetik, nahiz eta webgunearen tituluan gurutzegramak ipini, mota askotako jolasak aurki daitezke bertan: auto-definituak, sudokuak, hizki-zopak, eta abar. Blog formatuan egindako webgunea da hau, horrela, ondo pasatu eta jolasteaz gain, beste webgune batzuk aurkitzeko aukera ematen du esteken bidez eta webgune barruan dauden edukietara joateko bide errazak eskaintzen ditu. "Denborapasak, hitzekin jolasean", hori dio tituluak, izan ere, hitzekin ere jolastu daiteke. Oso ondo pasatzeraino gainera!



KONTAIZU.NET

Paperetik interneterako jauzia egiten dute aldizkari askok, Txikittok kasu, baina badaude beste batzuk interneten bertan sortzen direnak, aurretik paperean inprimatuak izan gabe. Euskal munduari dagokionean kontaizu.net da interneten aurki daiteken aldizkari bat. Bertan mota askotako albisteak elkarriketak, jakinduria handitzea bideratzen duten berriak, musika klipak, bideoak eta era askotako bitxitasunak ageri dira. Lehiaketa batean parte hartzeko aukera ere luzatzen du (nahiko galdera erraza erantzunez), komikia irakurtzeko beta uzten du eta denborapasan bitartez olgatzeko denbora dago web orrialde hau bisitatuz gero. Aldizkari betea, denetarik duena, baina ez paperean, interneten baizik.



erreportajea



Elurra eta hotza ARATOSTEETAN

Spray-ak nagusi izaten dira Aratosteetan azkenengo urteetan, baina aurten elurrak ere zuritu du herria. Eskoletan izan ziren Eguen Zuriko jaiak, Kaldereroak eta Play back-ak ere elurraren bisita izan zuten, baina giro ona izan zen Eibarko kaleetan, koko jantziek jarritako koloreak nagusi.

Erreportajea



Aldatze




Erreportajea




Arrateko
Andra
Mari



Erreportajea



La Salle



Erreportajea










Giroa



Multikirolak

Aldatzeko ikasle hauek oso kirolariak direla argi dago euren berbak entzun ostean. 8 eta 9 urte dituzte eta Multikiroletan oso gustura dabiltzatela diote. Hori bai, ez zaie hainbeste gustatzen irakaslea haserretzea...

- Denok zabiltzate Multikiroletan... Zer moduz?

Denok: Oso ondo, pozik gabilta.

- Zein da egitea gehien gustatzen zaizuen kirola?

Ander: Foballa.

Angie: Patinajea.

Maite: (Pentsakor)

Niri patinajea.

Eneko: Eskubaloia.

- Eta zein kirol egin duzue orain arte?

Angie: Foballean eta eskubaloian aritu gara taldeko kirolei dagokienean.

Eneko: Bestetik, urrian atletismoa egin genuen.

- Zein kirol egitea geratzen zaizue?

Maite: Rugbia.

- Gogotsu?

Angie: Beno... nik ez dut behatzik apurtu nahi.

Ander: Ez da gogorra, nik



badaukat gogoa rugbia egiteko.

- Zuen klasean asko zarete Multikiroletan zabiltzatenak?

Ander Arrillaga, Maite Izquierdo, Angie Obiorley eta Eneko Martin:

“Oso pozik gabiltza Multikiroletan”



Maite: Gutxi gora behera klase erdia ibiliko gara.

- Ez duzue beste klase erdia animatzen izena

emateko?

Angie: Bai, tira. Guk esaten diegu oso ondo pasatzen dugula. Hala ere, irakaslea haserretzen bada, korrika egiteko agintzen digu.

- Zerbait txarra egingo duzue bada...

Denok: Beno... (barreak).

- Multikiroletatik kanpo egiten al duzue beste

kirolik?


Maite: Nik bai, saskibaloiean aritzen naiz, pena da Multikiroletan saskibaloirik ez egitea.

Ander: Nik mendira joateko ohitura daukat.

Eneko: Nik Klub Deportiboko mendi taldean eman nuen izena eta asko gustatzen zait mendira joatea asteburuetan.

Txikinkesta

Zer gustatuko jatzun nagusittan izatia?



**EKAIN
ZARRAUA.**


10 urte

Asmatzaillia izatia gustatuko jatan, izan be, gauzak asmatzia zoragarrixa dala begittantzen jata. Oso urruti juateko espaziountzi bat asmatuko neuke, adibidez.

**LUKA
ITURRIAGAGOITIA.**

9 urte

Margolarixa izatia zoragarrixa izango zan neretako. Asko gustatzen jata margotzia, gehixen bat paisaiak eta halakuak.




Lantzian behin edonork botatzen detsa begiradia etorkizunari, eta gaztetsuenen artian normala da nagusittan zer izango diran galdetzia, edo zer gustatuko jaken galdetzia...

LEIRE CABO.

9 urte

Masajistia nahi dot izan. Udako oporretan izeba masajia egitten hasi jatan eta gero nik be famelixakueri egiten netsen. Neri egittia be asko gustatzen jata.



JONE MURGIONDO.


10 urte

Albaitarixa nahiko neban izatia. Animalixak asko gustatzen jataz eta etxian hamster bat dakat, ez destelako gehixago eukitzen lagatzen.



ZINEA

Ba al zenekien kartoi kaxa bat zinema pantaila bezala erabili dezakezula? Hurrengo pausuak jarraituz moldatu behar duzu soilik.



MATERIALA:

- Tamaina erdiko kartoizko kaxa errektangularra.
- Kartoizko tutu estu bi (fax-arenak izan daitezke).
- DIN-A4 orri zuria.
- Zeloa.
- Margo berde argia.
- Errotulagailu beltza.
- Koloretako arkatzak.
- Pintzela.
- Puntzoia.
- Guraizeak.
- Erregela.





1 Kartoia margo berde argiarekin margotu kanpotik.

2 Arkatz eta erregela banarekin pantaila izango dena marraztu kartoian. Puntzoiarekin zulatu eta atera ezazu.





3 Albo luzeenetan kartoizko tutuaren diametroko borobilak marraztu mutur bakoitzean.


- 4** Puntzoiarekin zulatu zulo horietatik tutua sartzeko.



- 5** Sartu itzazu eta tutuaren muturrak alboetatik irten daitezela.



- 6** DIN-A4 orria erditik moztu eta zati biak zeloarekin lotu alde estuenetik.



7 **Marrazki sekuentzia marraztu orri zatian istorio bat kontatuz.**



8 **Marrazkiak koloretako arkatzekin margotu.**





9 **Kaxa barruan, orri zatiaren mutur bat tutu batean itsatsi zeloarekin.**





10 Tutua biratu paperaren beste muturra beste tutuan itsasteko.



AUKERA GEHIAGO:
Nahi beste istorio marraztu dezakezu eta pelikulak aldatzen joan.

Zer irakurri

PAKO BELEA BASOAN

**PAKO BESTE BELEENGANA JOATEN DA ETA HAN BELEEN
BIZIMODUAN INTEGRATU BEHARKO DU. HASIERAN HEROI
HANDI BAT BEZALA HARTZEN DUTE GIZAKIEN ARTEAN BIZI
ETA HAUEN HIZKUNTZA IKASI DUELAKO. BAINA GERO
EGUNEROKO ZAILTASUNAK, NEKEAK ETA POZAK BIZIKO DITU.
POZIK HANDIENA MILA EZAGUTZEA ETA HONEKIN BATERA BERE
BELEKUMEAK JAIOTZEN IKUSTEA IZANGO DA.**



**JUAN SAN
MARTIN
LIBURUTEGIAN**

TRIANOKO GAU GORRIAK

**GORRIA DA TRIANOKO LURRA; GORRIA DA INGURU HAIETAN
BEHINOLA UGARI ZEGOEN MINERALAREN AZTARNA; GORRIA DA
GALDAMESEKO MENDIEN ATZEAN EZKUTATZEN DEN EGUZKIAREN
ISLA. BAINA, GAUAK EGUNA MENPE HARTZEN DUENEAN, BESTE
GORRI MOTA BAT NAGUSITZEN DA ZUGAZTIETAN: DIRUA INOLA-
KO GUPIDARIK GABE EGIN NAHI DUTENEN IKUSKIZUN LARRIA.**



ILARGIA.COM

**ILUNTZEN HASIA ZEN, LEHORRERATU BERRI ZEN ARRANTZONTZI
BATEK GORPU BAT AURKITU ZUENEAN. HANDITUA ETA URDINTUA
ZEGOEN. ORDU BATZUK GEROAGO, AUTOPSIA EGIN ONDOREN,
ITOTAKOA CRISTINA ROMANO ARGÜELLES GAZTEA ZELA ZIURTATU
ZUTEN. TARIFAN UR-KIROLETAN ZEBILTZALA DESAGERTU ZEN, LAU
EGUN AURRETIK. HAREN LAGUNETAKO BATI, CIRARI, EGOERA
ZAILA TOKATU ZITZAION: HILDAKOAREN MUTIL-LAGUNAREKIN
EGOTEA, CRIS HILKUTXARA ZERAMETENEAN. BAINA ZER DA
BENETAN GERTATU ZENA?**





RITA ETA HILOBI-LAPURRAK


RITA OPOR BATZUK IGAROTZEN ARI DA EGIPTON. INDUSKETA ARKEOLOGIKO BATEAN LANEAN ARI DEN OSABA DANIELEKIN ELKARTZEKO ASMOA DU. BAINA RITA, BERAK JAKIN GABE, LAPUR-TALDE BATI ELKARTUKO ZAIO, OSABA BILATZEN ARI DEN ALTXOR BERBERAK LAPURTU NAHI DITUENA. RITAREN ABENTURA BIZI-BIZI BAT, EGIPTON KOKATUA, SEKRETU ZIRRARAGARRIZ BETEA.



EIBARKO LIBURUDENDETAN SALGAI

ZANBULUKO SONANBULUA

UDALEKUAK, IBILALDIAK, LAGUN BERRIAK... ZEINEN POLITA! BAINA BETI EZ DIRA IZATEN UDAKO KONTU HAUEK HAIN ZORAGARRIAK. EZ HORIXE! BESTELA IRAKURRI ALAINEK KONTATZEN DIGUN HISTORIA. MAITASUN HISTORIATXOAK ERE BARRUAN, BAINA BATEZ ERE BELDURREZKOAK. ITSASORI GAUAREN ERDIAN BERE OHE ATZEAN AGERTZEN ZITZAION MUTILSONANBULU HURA, ADIBIDEZ.



ZEIN BESTE MUNDUKOA

MAITE ZAITUDAN LAURDENA ASKO DA. MAITE ZAITUDAN HERENA ASKI DA. MAITE ZAITUDAN ERDIA GEHITXO DA. MAITE ZAITUDAN OSOTASUNA ORO DA. ETA HALA ERE ESKAS. GEHIA-GO MEREZI DUZU, ORO BAINO GEHIAGO DENA, ETA NIK EZ DAKIT ORO BAINO GEHIAGO EMATEN, EZ DAKIT EMATEN DENA. NI OSOA, MAITE, LUZE-LABURREAN, EZ BAITA ZURE LAURDENA.

